

南

廂

志

南離志卷第七

規制考

謹按學禮曰帝入東學上親而貴仁帝入南學
上齒而貴信帝入西學上賢而貴德帝入北學
上貴而尊爵帝入太學承師而問道故魏文侯
孝經傳謂太學者中學也言太學居中四學環
之蓋帝制也有周鎬京去豐水不遠故辟廱圓
如璧廱以水內如覆外如假盤天子養老出師
受俘大射之所也其東序爲東膠夏后氏之學
也凡學羽干者就焉西序爲瞽宗以祀先師殷

人之學也凡學禮樂者就焉皆竝建一丘之上而辟廱居中統以其象言之外則虞庠在其北所謂天子之小學凡學書者就焉或謂在西郊大都周蓋兼四代之制云夫帝降而王制已渝矣然周官成均之法猶夫昔也我

聖祖初命官教胄子于內府蓋取法周人門閭之學後更立國學于外其教以德藝猶周法也雖宋濂氏嘗有竝立五學之議然罷而不用制不沿古而彝倫明教化洽太平由是以興雖五三之道何以加之苟爲忘本逐末懷利去義無復先

王之意雖有旋丘之水以象辟雍亦奚裨於治哉今冠帶之倫優游於仁義禮樂之中其亦可以思本始矣凡廟宇堂館在內者序爲上篇院廡號圃在外者序爲下篇系之曰規制考

上篇

建置本末

太祖高皇帝之初立國子學也歲乙巳卽元集慶路學爲之廟則大成殿在靈星門北戟門內從祀位在兩廊學則中爲明德堂左右各列二齋丁未賜正四品印設祭酒司業洪武十五年改建

南唐書卷之七
二
于鷄鳴山之陽旣落成三月初七日改國子學
爲國子監定制從四品中爲彝倫堂分兩廳六
堂三十二班於是以舊國子學爲應天府儒學
二十二年建觀星臺暨十廟于山間更

賜山名欽天山每

諭師生以祇若神天主敬作所凡其建立宏規與
敦學仰止之義擬古所未有也按三代以來迄
于西晉太學皆在中州東晉元帝始立太學於
金陵設國子祭酒而士夫習尚清談儒術終不
復振後遂罷之秦淮水南蓋有遺跡焉宋元嘉

中竝建儒玄文史四學而國子學遂廢儒館立
於北郊命雷次宗居之次宗因開館於鷄籠山
卽鷄鳴山舊名以黑龍常見玄武湖山正臨湖上更名
龍山而齊高帝嘗就次宗受學焉及齊竟陵王
蕭子良開西邸於龍山延集才俊命爲士林館
梁大同中移館于臺城之西時方講譯內典而
士林日廢矣南唐開設國子監于鎮淮橋北宋
雍熙中有孔子廟在冶城故基景祐中徙於府
治東南元爲集慶路儒學卽


國初舊國子學也規模結構僅足以容一郡俊髦


故裁自

聖心改建今監則式廓觀深制度大備比隆虞周矣
儒館士林若兆爲之先者然亦烏足齒哉龍見
玄武山川蘊靈久而後徵若有俟焉者迨

車駕臨視登筴經營非適人爲寔自天造則物觀
聖作固在于今矣於乎徵諸金陵往牒而數學
之廢興世道之隆替係焉人文化成與天無極
我

聖祖立教之功大矣哉爰作圖以詔地事云





右總圖

國子監在南京城內西北七里

東至小教場西至英靈坊北至

城坡土山南至珍珠橋

左爲龍舟之山

卽覆舟山以北臨玄武湖形似名

右爲欽天之山

雞鳴山改今名

兩山相去二百餘步其

陽乃宋元嘉中龍見之地也北有玄武湖由銅

井闌導之入城是謂青溪之水自東而出過竹

橋以入於濠欽天山之西有落星澗焉匯而溢

則折而南爲曲渠滌廻監前合青溪以入於珍

珠河

河上今爲珍珠橋

由龍舟之山而東爲龍廣之山

寔承鍾山龍蟠之勢由欽天之山而西爲幕府

之山又其南爲盧龍之山寔聯石城虎踞之勢

形勝環合而考極相方監適當其中云勝國以

前墟墓葬蒼景定建康志曰晉元帝末昌元年

平陵成帝咸康八年葬興平陵哀帝興寧三年

葬安平陵四陵並在雞籠山之陽皆不起墳宋

端平三年制置使陳韓於覆舟山龍光寺側凡

將上之戰死於虜者悉收骸骨而葬之相傳監

廟基址舊爲積屍之所謂之萬人坑每天陰雨

濕行人多爲鬼肢有至死者洪武初移神僧誌

公寶塔於雞鳴山因建雞鳴寺設醮以度而鬼

又夜飛磚擊瓦僧人怖恐太祖曰此非孔

古之郊丘宮苑往往

遺跡猶在覆州山南爲晉北郊方丘宋齊梁陳

南唐宮闕宋荒榛既闢市廛自遠疎林層阜擅

因爲行宮

幽呈奇山霏湖霧蒸裨雲物陟降嶽原清淑可
挹於藏修息游無弗宜者洪武十五年監既落
成左廟右學亭廡廳庑肄業有所會饌有堂以
至廩庫庖湍靡不畢備於是奉議大夫翰林院
學士宋訥受

詔撰

勅建太學之碑

碑文曰洪武十四年夏

成治定天下以武治不以武也其崇文乎顧茲
成均地隘而陋何以振文教朕相基於雞鳴山
下高爽平遠豈天協朕心若藏此地俟興一
代學乎群臣稽首曰皇上聖神斯文福也
乃以天子學制授諸冬官臣恭奉明詔風
夜匪懈櫟楠豫樟來集如阜鑿山載石與土築

基梓人效藝以宏其制又遣金吾前衛親軍指
揮譚格督其工凡堂有七彝倫所以會講率性
修道誠心正義崇志廣業則諸生肄業所也會
饌有堂庖廚有室井覆以亭物貯以庫籩廩蔬
園重門繚垣回廊諸書兩堂之間東西有館助
教正錄居焉東偏列室鱗次諸生處焉廟在學
東亢以層基大成有門七十二賢有廡凡爲櫺
八百一十有奇壯麗咸稱自經始以來大駕
臨役者不一夫子而下像不土繪祀以神主數
百年夷習乃革明年五月冬官奏廟學成十有
一日天子遣使祀先師以太牢禮畢胄子
及民之俊秀登堂受業學之禮制備矣十又七
日官率諸生進拜堂下博士互龔敷執經祭酒
吳顯講經既畢萬乘是還此千載曠儀講而
行之斯文增重矣六月一日上又賜勅文重
諭胄子禁制防遏之法訓迪誘掖之意無不至
焉越一日帝御奉天門詔臣訥文之於石臣
拜手稽首不敢以不文辭承命遂述興造始
末爲之言曰孔子之道垂憲萬世帝王之興首

建大學蓋學所以扶天理淑人心也皇極由之
而建大化由之而運世道由之而清風化本原
國家政務未有舍此而先者或有未備則無以
維三綱五常之具示作人重道之心
子位居君師續道統于堯舜禹湯文武建學定
規高出前古凡我登堂養正游藝之士斯弦斯
誦相勉相誨無負教養則正人端士叢出而為
國家棟幹祿祚
聖子神孫之業萬世而無窮
者當自今始願臣膚陋敢不對揚
帝命式昭
盛代之興文也拜手稽首而獻頌曰於惟
聖皇臣服萬方乘時經綸武偃文揚儲慶發祥
載整乾綱乃相學基雞鳴山陽平遠高爽非麓
非岡式揮京邑既若天藏考制定規
聖度曷
量乃授工曹孰敢怠遑工師用勸効技允臧有
廟有廡有堂有廊鱗比而重龍起而翔登用儒
臣教化昭彰佩服簞簞弦誦洋洋正學有傳師
道有常
萬乘來臨頌豆生光千載禮儀一代
典章
躬親講道超軼百王聖製昭宣啓迪
昂
龍及青衿垂範流芳梓育化崇殷序周
立極作則遠紹虞唐德進英豪業修俊良殷
昭

朝廷都俞巖廊以佐文化慶祚靈長願佑

皇圖萬世無疆洪武十五年歲次壬戌六月

日立將仕郎鑄印局副使樹於太學門之左亭

臣詹希原奉

勅書并篆

以覆焉

以覆焉

亭高二丈三尺闊二丈六尺五寸逮於

臺高二尺四寸闊二丈六尺一寸

未樂時俊造雲翕外夷鼎來市廛漸集閭閻日
開乃增倉園妻子以食乃拓號舍疾病以息鼓
篋至者視旅如歸延袤十里燈火相輝規制之
備人文之盛自有成均未之嘗聞也洪熙以後
車駕北幸正統中既定鼎北京論建百務留都爲
後以故賁飾漫漶結構剝侈修理不及傾圯隨
之景泰初祭酒吳節始䟽以請

報可乃經工庀材越二載告竣少保兼太子太傅
戶部尚書文淵閣大學士陳循受

詔撰

勅修南京太學之碑

碑文曰洪惟國家受天命奄有萬方幾百年來治教

休明超越前古夫豈偶然之故此誠太宗暨于列聖躬行心德以爲化民成俗

之本之所致也臣嘗伏觀廟學列聖繼統皆親臨幸恭修祀禮訓飭

師生所以振勵斯文闡揚風化以行其用於當世者靡所不臻其極其有得於易書養賢及民

籲後尊帝之旨亦豈前代所得而同宜其有以然也於戲盛哉仰惟皇上聖神既銳精於

前矣茲復慮孔子廟及國子監在南京者歲久富有圯廢無以稱愜崇儒養士之意乃命靖遠

伯兵部尚書臣王驥南京國子監祭酒臣吳節徧閱以聞驥等還奏果如聖慮於是詔工

部臣撤而新之工修踰年會因他事推恩有詔
悉停不急諸務而太子太保工部尚書臣石璞
知上初意乃舉詔旨爲請興罷上曰
堯舜當務爲急詎非此耶他何可比其亟完之
先是首其工者尚書王永壽而卒底于成則尚
書臣王來也廟故有殿與所以給供用之居鉅細以
故有堂以及齋館與所以給供用之居鉅細以
楹計者矣宮千百至是故者易之以新圯者葺
之以堅使復其初隘而卑者擴而揚之使宏以
偉凡百所宜有而昔未備者悉致其完且美蓋
煥然遠過於舊矣經始於景泰二年之春而落
成于又明年之冬既而尚書臣來以畢工聞
乃召臣循書識其事于石臣惟天生萬物施以
風雨霜露而後萬物始生然于物之中尤厚于
民君理萬物施以予奪生殺而後萬物始理然
于物之中尤厚于賢天之所以厚于民者何也
賦以仁義禮智之性使稟其清然其于性豈能
自盡復以克綏厥猷之責付之于君卽中庸所
謂修道之教也君之所以厚于賢者何也施以
詩書禮樂之教使復其性然教於人豈能自行

復以庠序學校之事任之於臣卽孟子謂所以
明人倫也肆我國家列聖相承崇儒重
道興學育材於易詩書禮春秋之文講之益明
如日星之麗乎天而四海仰其照臨於堯舜禹
湯文武之道行之益習如四時之成乎歲而萬
民秉其化易曰裁成天地之道輔相天地之宜
以左右民此之謂也凡教于斯學于斯者旣往
有足歲矣方來其可不勉以副聖天子之
盛心於無窮哉謹再拜稽首而頌以詩曰惟
皇降衷民生成具必資君師乃全稟賦天啓
聖明奄有疆土中天下立爲民之主必施治教
乃罔攸負巍巍帝業肇自太祖首開禍
亂削平以武四方歸戴如千父母恩覃德被洽
于率普海宇旣清文教是務乃相高曠揆于前
度茂建太學黎獻用貽成均舊宗夏庠殷序得
之往聞習于今觀教崇宣聖別有堂戶歲時享
祀鏗鍾考鼓黍稷饔飧豆蓬棹俎誠之所存格
于物寓禮教聿興文化誕布比屋詩書連城鄉
魯皇皇太宗顯統承緒學貫六經功高千
古重道崇儒莫之或禦萬乘謙虛躬往幸願俎

豆光輝縉紳熙豫迨乎列聖相繼臨御先後一心咸篤斯舉作新後又簡用師傅惟賢是立克符湯禹光啓後先臣民瞻慕於惟聖皇尊居九五克念作聖好問底裕嗣保先烈無間微鉅人惟求舊器尚易故况茲南都育才之所慮爰勅臣工一二心膺檄而新之俾完以固必稽于制母或愆矩臣工效力罔懈晨暮自始迄終僅再寒暑煌煌殿堂翼翼門廡輪焉奐焉何千百數濟濟師徒欣快榮遇以誨以學是遊是處皇有詔曰而職記注其書乃成俾昭來論巨謹作頌刻石以樹於萬斯年恭祝皇祚光祿大夫少保兼太子太傅戶部尚書文淵閣大學士知制誥同知經筵事臣陳循奉勅撰中憲大夫南京太常寺樹於太學門之右少卿臣王謙奉勅書并篆

亭以覆焉

亭高二丈三尺闊二丈六尺五寸嗣臺高二尺四寸闊二丈六尺一寸

是成化中祭酒周洪謨王僊弘治中監丞陳旅

皆嘗奏請重修

俱見事紀

正德十二年廟廡門堂廂

廳號舍傾仆尤多祭酒賈詠率諸生捐貲協力

乃克豎塼茨蓋舊觀頗復南京翰林院侍講學

士黃瀾作太學紀事之碑

碑文曰

皇帝以聖德受

太祖高

春命啓

皇明億萬年綿延之運

定鼎金陵爲

四方萬國都會之地內而

宮殿樓閣千門萬

戶之輝煌外而百司庶府之

羅列以大學寔賢

士所關文運攸萃所以扶植

皇運於無窮者

也特置千雞鳴山弘敞之地左

廟右學學之中

大堂一支堂六廳二爲師生行

禮校受學業之

所學之內外各立號舍數百間

以便諸生之棲

止肄業與凡所宜有之屋宇無一缺焉當時士

類歡忻鼓舞各有成效稱任使文敷蔚然大興

亘古所未有也

太宗文皇帝徙都於燕爲

京師號舊都爲南京官不全設三省其一太學

亦然所作養皆南土之上而北土悉賓北監分

教育之南監內外之屋宇建自洪武至今百五十餘年歲代既久不無損壞處掌監事人隨時修補大則奏聞於朝小則區處于官今凡幾大矣邇來又當修補少司成弋陽汪公欲舉其事逼於秩滿奏續之京今歲春夏間霽雨連旬老屋傾仆尤多行文工部奏請修造以大內工役未就停止大司成臨穎賈公丙子冬來掌監事始至周視數息慨然以爲己任乃節縮糜費稽究沉迷積措辦者數時度財可充用乃市木植甕甌石灰等料擇日興工選師生中材幹重廉取者助教潘節學正鍾世俊監生柯崙魏鳳喻秉彝等八人董其役始自文廟兩廡橋星門崇聖道也次及監之諸堂二廂房二廳重教事也至於集賢等諸門碑井二亭典簿一廳靡不次第修飾於號舍內而三百餘間外而監前直街東畔百六十間傾者建立敝者修葺東西聯綿長垣六百餘丈皆堅塹茨蓋之令生徒輩安意肄業無棲止不寧之患也昏祠之書板洗補之陳腐之祭器整頓之百凡廢弊無不修舉士類感激思奮內外號舍誦讀之聲比相聞

人謂復監之舊觀云初公以中藩發解第一人
登丙辰進士第入翰林轉春坊同考已未會試
主考應天鄉試兵部武舉經筵講官同修
國史陞南院學士至今官文章詞翰之名滿天
下而政事之長材稍見於南監監之生徒繁多
最未易厭其心而屈其口也公身言之教並行
稟稟諄諄思威並著賞罰不爽親改講章開發
其聰明公平叙撥杜塞其爭端貧病乏藥者巡
視給藥賴以全活者甚眾諸生干原米之外有
官給之魚肉諸味革舊欺隱之弊今需實惠故
在監之師儒仰其公正生徒戴其仁恕憚其嚴
明或被責罰退未嘗有怨言故茲役也師生協
力相成之未成之先汪公自京回二公同心究
竟其事經始丁丑歲八月未及半載成此大事
君子以為難監生楊矩立羅欽師孟芳等請于
記其事于嘗貳北監目見敝壞處未由措辦修
補陞陞掌南院繼公後陞列師生姓名於其下
因記公之事猶有餘輝云然猶未至大
樹於太學門左側百六十四人

備嘉靖初司業郭維藩復以爲言時

殺皇帝以威武南征有私宅蘆棚奉

詔撤以益之木植輒瓦乃頗充用


嘉靖二年南自京工部修完

自


建監百有六十餘年凡其頽圯特資飾之未結
構之小者爾至於廟學棟梁曼而且碩者未始
庚也於戲

聖祖神謨於是乎弘遠矣

先師廟圖



七卷十二



右廟圖

洪武十四年欽定文廟之制大成殿三間兩掖
臺高一丈二尺九寸闊一十丈一尺六寸東西
斜廊各五間前露臺高九尺四寸七分闊七丈
一尺二寸上有石欄杆前有石階級十五年正
月廟始落成學正蘇伯衡撰大成殿修造祝文
二首其一曰翼翼廟庭多歷年所
采靈補領丹腰
日程事百工具作伏慮震喧以清明靈菲薦召
虔尚祁昭鑒其
增新自我
煌四國具瞻昭薦俎豆式告
竣事神哉顧懷文治未昌
殿上正座爲

大成至聖文宣王木主長三尺三寸五分連上雲

下座共五尺二寸闊七寸連左右雲共二尺一

寸五分

唐玄宗開元二十七年詔曰弘我王化在乎儒術發揮此道啓迪含靈自生民

以來未有如孔子者也所謂自天攸縱將聖多能德配乾坤身揭日月故能立天下之大本成天下之大經美政教善風俗君君臣臣父父子民到於今受其賜不其偉歟於戲楚王莫封魯公不用俾夫大聖才列陪臣栖遲旅人固可知矣年祀湮遠光靈益彰雖代有褒稱未爲崇竣不副其實人其謂何夫子改稱先聖可追諡爲文宣王今三公持節冊命其後嗣褒聖侯改封嗣文宣公宋真宗大中祥符元年十一月制曰王者順考古道懋建大猷崇四術以化民昭宣教本總百王而致治丕變人文方啓迪於素風思丕揚於鴻烈先聖文宣王道膺上聖體自生知以天縱之多能實人倫之先覺玄功侔乎簡易景鑠配乎貞明惟列辟以尊崇爲億載之師表肆朕以寡昧欽承命曆曷嘗不尊守彝訓深又中區屬以祇若元符告成喬嶽觀風廣魯

之地防駕數仞之牆躬詣遠祠緬懷遐躋仰明
 聖之如在廟奠獻以惟寅是用稽顙而用之文昭
 聰淑之德聿舉追崇之禮庶申嚴奉之心備物
 典章垂之不朽誕告多士昭示朕意宜追諡曰
 至聖文宣王元成宗大德十一年十二月詔曰
 蓋聞先孔子而聖者非孔子無以明後孔子而
 聖者非孔子無以法所以祖述堯舜憲章文武
 儀範百王師表萬世朕纂承丕緒敬仰休風循
 沿古之良規舉追封之盛典加號父子之親君
 宣王遣使闕里祀以太牢於戲父子之親君
 之義求惟聖教之尊天地之大日月之明奚
 名言之妙尚資神化祚我皇元○錄唐宋元制
 詔者以見王祀天子乃前代之制今日也東配二
 初因之兩塾正周有待於
 位爲堯國復聖公朕惟得孔氏之門入聖人之
 域顏子一人而已觀其不遷怒不貳過以成復
 禮之功無伐善無施勞益著爲仁之效蓋將不
 日而化矣惜乎天不假之以年也朕緬懷哲人
 留心聖學將大彰於風教故特示於褒嘉於載

用之則行舍之則藏雖潛德一時之不顯吾見其進未見其止顧聖言百世而彌彰尚服寵光不隆文治可加沂國述聖公制曰昔曾子得聖封堯國復聖公沂國述聖公制曰昔曾子得聖人之傳而子思克承厥統稽大中庸之一書實開聖學於千載朕自臨御以來每以嘉惠後學爲念萬幾之暇覽觀載籍至致中和而天地位萬物育雅留意焉夫爵秩之榮既隆於升配景行之懿可後於褒加於敷有侔尼作於前統僊世家之美得孟子紹其後益昌斯道之傳淫命言承茂隆丕緒可加西配二位爲邾國宗聖公至封沂國述聖公西配二位爲邾國宗聖公至順二年九月制曰朕惟孔子之追曾氏獨得其宗蓋本於誠身而已也觀其始於三省之功卒聞一貫之妙是以交於顏淵而無愧授之思孟而不墜者與朕仰慕休風景行先哲爰因舊典崇以新解於戲聖神繼天也極以來道統之傳遠矣國家化民成俗之故大率之書具焉其相予之修齊茲式彰於褒邾國宗聖公元年九月制顯可加封邾國宗聖公邾國宗聖公元年九月制

曰孟子百世之師也方戰國之縱橫異端之充塞不有君子執任斯文觀夫七經之書倦倦乎致君澤民之心凜凜乎拔本塞源之論黜伯功而行王道距詖行而放淫辭可謂有功聖門追配神禹者矣朕若稽聖學祇服格言乃著新猷益彰渥典於戲誦詩書而尚友緬懷鄒魯之風非仁義則不陳期底唐虞之治英風四配木主千載蔚有耿光可加封鄒國亞聖公四配木主各長一尺九寸五分連上雲下座共三尺闊五寸連左右雲共一尺一寸殿左東哲五位爲費公閔損薛公冉雍黎公端木賜衛公仲由魏公卜商殿右西哲五位爲鄒公冉耕齊公宰子徐公冉求吳公言偃陳公顓孫師唐玄宗開元二年八月制日門人三千見稱上哲包大衆美實超等夷暢玄聖之風規發人倫之耳目並宜褒贈以寵賢

明其額子既稱亞聖額優具秋追贈子淵充公
子篤費侯伯牛邾侯仲弓許侯子有徐侯子路
衛公子伋齊侯子賁黎侯子莠吳侯子夏衛侯
會參等六十七人皆封伯後宋神宗元豐六年
詔封孟軻爲鄒國公配食於兗公之次度宗咸
淳三年正月陞會參封邾國公孔伋封沂國公
配食大成額十哲木主各長一尺九寸闊四寸
孫師升十哲連座長二尺五寸兩廡東西分列連計六十二
間每間闊一丈四尺五寸高一丈六尺九寸臺
高一尺三分東廡五十五位爲金鄉侯澹臺滅
明任城侯原憲汝陽侯南宮适萊蕪侯曾點須
昌侯商瞿平輿侯漆雕開睢陽侯司馬耕平陰
侯有若東阿侯巫馬施陽穀侯顏辛上蔡侯曹

卹枝江侯公孫龍馮翊侯秦商靈澤侯顏高上
邾侯壤駟赤成紀侯石作蜀鉅平侯公夏首膠
東侯后處濟陽侯奚容蒧富陽侯顏祖滢陽句
井疆鄆城侯秦祖卽墨侯公祖句茲武成侯縣
成汧源侯燕伋宛句侯顏之僕建成侯樂欬堂
邑侯顏何林慮侯狄黑鄆城侯孔忠徐成侯公
西藏臨濮侯施之常華亭侯秦非文登侯申棖
濟陰侯顏噲泗水侯孔鯉蘭陵伯荀況睢陽侯
穀梁赤萊蕪侯高堂生樂壽伯毛萇彭城伯劉
向中牟伯鄭眾侯氏伯杜子春良鄉伯盧植司

空王肅司徒杜預昌黎伯韓愈豫國公程顥新安伯邵雍溫國公司馬光建寧伯胡安國華陽伯張栻將樂伯楊時魏國公許衡西廡五十五位爲單父侯宓不齊高密侯公冶長北海侯公晁衷曲阜侯顏無繇共城侯高柴壽張侯公伯寮益都侯樊須鉅野侯公西赤千乘侯梁鱣臨沂侯冉孺沐陽侯伯皮諸城侯冉季濮陽侯漆雕哆高宛侯漆雕徒父鄒平侯商澤當陽侯任不齊牟平侯公良孺新息侯秦冉梁父侯公肩定聊城侯鄒單祈鄉侯罕父黑淄川侯申黨厭

次侯榮旂南華侯左人郢胸山侯鄭國樂平侯
原亢胙城侯廉潔博平侯叔仲會高唐侯邳巽
臨朐侯公西輿如內黃侯遽伯玉長山侯林放
南頓侯陳亢陽平侯琴張博昌侯步叔乘中都
伯左丘明臨淄伯公羊高乘氏伯伏勝考城伯
戴聖曲阜伯孔安國廣川伯董仲舒岐陽伯賈
逵扶風伯馬融高密伯鄭康成任城伯何休偃
師伯王弼新野伯范甯道國公周頤洛國公程
頤郢伯張載徽國公朱熹開封伯呂祖謙崇安
伯蔡沉浦城伯真德秀臨川郡公吳澄諸賢木

主各長一尺七寸闊三寸連座長二尺一寸殿
前丹墀碑亭二座東爲祀典之碑載洪武三年
五月奉

天承運

皇帝詔曰自有元失馭群雄鼎沸土宇分裂聲教不
同朕奮起布衣以安民爲念訓將練兵平定華
夷大統以正永維爲治之道必本於禮考諸祀
典知五嶽五鎮四海四瀆之封起自唐世崇名
美號歷代有加在朕思之則有不然夫嶽鎮海
瀆皆高山廣水自天地開闢以至於今英靈之

爲神必受命于

上帝幽微莫測豈國封號之所可加瀆禮不經莫此爲甚至如忠臣烈士雖可加以封號亦惟當時爲宜夫禮所以明人神正名分不可以僭差今命依古定制凡嶽鎮海瀆並去其前代所封名號止以山水本名稱其神郡縣城隍神號一體改正歷代忠臣烈士亦依當時初封以爲實號後世溢美之稱皆與革去其孔子善明先王之要道爲天下師以濟後世非有功于一方一時者可比所有封爵宜仍其舊庶幾神人之際

名正言順於理為當川稱朕以禮祀神之意於
戲明則有禮樂幽則有鬼神其理既同其分當
正故茲詔示洪武十五年六月

太祖高皇帝命刻石覆以亭高二丈五尺三寸臺高

二尺八寸闊一丈四尺二寸五分大學士楊士奇題跋右洪

武三年正祀典名號太祖皇帝聖智有以灼見唐虞

三代聖人之意其計號或因或革皆允當乎天

理人心之大法而盡革後來積弊亂經之弊以

為萬世有天下國家者之法所謂大哉王言者

也詔下之十五年臣詹希原書石刻之太學及
三十有五年臣士奇得西為視學之碑載永樂
此本謹識而寶藏之

四年三月

成祖文皇帝御製文曰朕惟帝王之興必首舉學校
之政以崇道德弘教化正人心成天下之才致
天下之治唐虞三代之盛率由於茲後世之君
其學政或修或否是以治不古若也我

皇考聖神文武欽明啓運峻德成功統天大孝高皇
帝龍飛淮甸渡江首建學校親祀孔子日引儒
臣講論經義求古聖人之道身體力行既統有
萬方卽詔府州縣皆立學天下士子雲集京師
復新作廟學於雞鳴山之陽親製教條頒布中
外又命天下增廣生員復其家府州縣皆命春

秋有事孔子賜以樂舞德教廣被海外諸國及
蠻夷酋長并遣子入學教化之隆視古爲盛朕
纘承大統仰遵成憲乃永樂四年三月朔日躬
詣廟庭謁先師孔子前期三日雨將事之夕雲
雲澄霽星緯昭明暨旦天宇穆清旭日鮮麗舍
萊于廟退即彝倫堂文武群臣咸侍左右師儒在
席諸生序列堂下命祭酒胡儼等以次講經成
禮乃還夫學以明道也道之體廣大光明配乎
天地日月而其實不離乎日用彝倫之間孔子
明之上以承堯舜禹湯文武之傳下以爲後世

植綱常開太平於無窮而世之極其尊崇其禮者非於孔子有所增益特以著明其道之至大天下不可一日而無也惟我

皇考繼統帝王尊師孔子舉天下皆約之使由於斯道是以治化之盛隆洽周徧薄海內外罔不嚮風慕義朕景仰洪謨夙夜祇敬思惟繼承之道不敢怠荒爰因視學謹敘述

皇考所以致隆治化之本勒石於廟俾我子孫臣庶尚克欽承於千萬年其亭制如祀典碑云前爲大成門三間東西列戟兩廂有路東有神廚七

間井一口宰牲亭一座

廚在廟門外左井在其側亭在臨星門內左邊

西有神庫七間

在廟門外右

門之東西各有廂五間

北向其東石刻

孔子像及四配像在焉內墀樹四十三株爲杉檜

桂栢外墀樹八十一株爲松栢檉欄又前爲櫺

星門三座中座二丈三尺五寸闊一丈五尺東

西二座各高一丈九尺五寸五分闊一丈二尺

初用木爲之景泰四年祭酒吳節

奏請改用石造加雲管火硃朵雲石抱柱八字紅

牆嘉靖九年

皇上用少傅兼太子太傅吏部尚書謹身殿大學士
張璪等議是年十月二十八日

御製正孔子祀典說曰朕惟孔子之道王者之道
也德王者之德也功王者之功也事王者之事
也特其位也非王者之位焉昨輔臣少傅張璪
再疏請正其號稱服章等事已命禮官集翰林
諸臣議正外惟號與服章二事所關者重亦關
於朕者不得不爲言之朕惟我

聖祖高皇帝應

天作辟以繼羲農堯舜而君天下傳至我

皇兄

皇兄升遐以朕爲我

皇考至親之子

命入奉

大統繼承

宗祀以主

郊廟百神爾豈敢於義理不當爲者而率爲之茲所
議祀典亦未爲輕而號稱服章實又重焉孔子
當周家衰時知其不能行王者之道耳乃切切
以王道望於魯衛二國二國之君竟不能明孔

子之道孔子既逝後世至唐玄宗乃薦謚曰文
宣加以王號至元又益其謚爲大成夫孔子之
於當時諸侯有僭王者皆筆削而心誅之故曰
孔子作春秋而亂臣賊子懼孔子生如是其死
乃不體聖人之心漫加其號雖曰尊崇其實目
爲亂賊之徒是何心哉又我

聖祖當首定天下之時命天下崇祀孔子于學不許
祀於釋老宮又陰去塑像止今設主樂舞用六
佾籩豆以十可謂尊崇孔子極其至矣無以加
矣特存其號豈無望於後人哉亦或當時草創

未暇歟至我

皇祖文皇帝始建北京國學因元人之舊塑像猶存
蓋不忍毀之也又至我

皇祖考用禮官之議增樂舞用八佾籩豆用十二牲
用熟而上擬乎事

天之禮也畧無忌焉夫孔子設或在今肯安享之昔
不觀魯僭王之禮寧肯自僭祀

天之禮乎果能體聖人之心決當正之也至於稱王
賊害聖人之甚王者已有是德宜居是位堯舜
是也無其德而居是位者昏亂之君如桀紂幽

厲是也若至於後世之爲君而居王者之位者其德於孔子或二三肖之十百肖之未有能與之齊也至我

太祖高皇帝雖道用孔子之道而

聖仁神智武功文德直與堯舜並矣恐有非孔子所可擬也由是觀之王者之名不宜僞稱王者之德不容僞爲僞稱者近於僭亂僞爲者其實有未盡之也至於服章之加因其位耳孔子昔曰名不正則言不順言不順則事不成何其不幸身遭之哉夫旣以王者之名而橫加於孔子故

使顏回曾參孔伋以子而並配於堂上顏路曾
哲孔鯉以父從列於下安有子坐堂上而父食
於下乎此所謂名不正者焉皆由綱領一紊而
百目因之以隳傳至有宋而程頤以親接道統
之傳遂主英宗不可父濮王之禮誠所謂是可
忍也孰可忍也之明驗哉今也不正滋來世之
非道將見子不父其父臣不君其君內離外叛
可勝言哉除待該部集議施行茲朕不得不辯
亦不得不爲輔臣辯聰也爲名分也爲義理也
非諛君也非滅師也若朕所正者亦如是所以

防閑於萬世之下也設或有謂朕以位而凌先師實非知原心者是爲說於是釐正祀典改大成至聖文宣王爲

至聖先師孔子神位木主高二尺三寸七分闊四寸厚七分座高四寸長七寸厚三寸四分朱地金書四配爲復聖顏子宗聖曾子述聖子思子亞聖孟子神位木主各高一尺五寸闊三寸二分厚五分座高四寸長六寸厚二寸八分十哲以下凡及門弟子皆止稱先賢某子神位木主各高一尺四寸闊二寸六分厚五分座高二寸

六分長四寸厚二寸左丘明以下稱先儒某子
神位木主各高一尺三寸四分闊二寸三分厚
四分座高二寸六分長四寸厚二寸俱赤地墨
書申黨申棖二人疑似據論語爲證乃存棖去
黨而公伯寮秦冉顏何荀況戴聖劉向賈逵馬
融何休王肅王弼杜預吳澄十三人俱罷從祀
林放蘧瑗鄭玄鄭衆盧植服虔范甯七人令各
祀於其鄉后蒼王通歐陽修胡瑗四人增入從
祀用故詹事兼翰林院學士程敏政之言也尋
用行人薛侃議增陸九淵於是東廡從祀四十

七位爲澹臺滅明原憲南宮适商瞿漆雕開司
馬耕有若巫馬施顏辛曹卹公孫龍秦商顏高
壤駟赤石作蜀公夏首后處奚容箴顏祖句井
疆秦祖公祖句茲縣成燕伋顏之僕施之常秦
非申棖顏會穀梁赤高堂生毛萇后蒼杜子春
韓愈程顥邵雍司馬光胡安國張栻楊時陸九
淵許衡西廡從祀四十四位爲宓不齊公冶長
公哲哀高柴樊須公西赤梁鱣冉孺伯虔冉季
漆雕哆漆雕徒父商澤任不齊公良孺公肩定
鄔單罕父黑榮旂左人郢鄭國原亢廉潔叔仲

會邇巽公西輿如陳亢琴張步叔乘左丘明公
羊高伏勝孔安國董仲舒王通周敦頤歐陽修
張載程頤胡瑗朱熹呂祖謙蔡沉真德秀凡舊
封公侯伯爵盡皆革去仍改大成殿爲先師廟
大成門爲廟門十一月奉

詔行兩京國子監責令祭酒等官通行改正以稱
宗師重道之意於是

車駕重幸北京太學仍行南京遣官祭焉其文曰
維嘉靖十年歲次辛卯六月甲寅朔初八日辛
酉

皇帝遣南京禮部右侍郎黃綰致祭于

至聖先師孔子曰自昔混沌之初

天命羲農軒聖創世開物以至堯舜禹湯文武周公
及

先師列聖相繼奉

天行道立教誨人肆我

聖祖再造區宇化行天下我

聖祖崇禮于

先師者

御製有文典冊具在予惟寡昧之人近仰遵

祖憲去胡元褻慢之偶像如

祖制崇禮之

聖謨號稱核實俎豆究本以遵

祖典兼體

先師至意予實不聰賴

先師默鑒及良輔洪儒所贊之也爰擇令辰特令

南京禮部堂上官奉安

先師神位以及配從之位于此惟

先師鑒知未依陟降大運


神化教我君民俾予性理早開而無負

皇天付託之眷命暨士庶學業咸正而無違

先師傳道之至情予實有望焉

先師鑒之以復聖顏子宗聖曾子述聖子思子亞
聖孟子配尚饗遂各鐫于石增構二碑亭如洪
武永樂之制與

御製申記等篇並列見謨東西相次爲四碑亭焉



右啓聖祠圖

啓聖祠在內號後卽仁勇廢號二連基地嘉靖
十年建祠凡五間闊八丈五尺深四丈高三丈
五尺大門一座三間闊三丈七尺五寸深一丈
五尺高一丈五尺先是嘉靖九年十一月

皇上用少傅兼太子太傅吏部尚書謹身殿大學士

張璁等議因先朝學士程敏政言別立一祠中

祀齊公叔梁紇稱啓聖公孔氏神位木主如四

配之制

宋真宗大中祥符元年十一月詔曰朕以祇陟岱宗親巡魯甸未懷先聖之德躬造闕里之庭奠獻周旋欽崇備至惟降靈之所自亦錫美之有初像設具存名稱斯闕宜加

追命以煥典章叔梁紇宣追封齊國公顏氏宣
追封魯國太夫人元至順二年九月詔曰闕里
有加系出神明之胄尼山請壽天啓聖人之生
幸觀人文敷求往哲維孔氏之有作集群聖之
大成原道統則堯授受傳至周文王論世家則
契至湯下建正考父其明德也遠矣故生知者
出焉有開必先克昌厥後如太極之生天地如
鉅海之有本源雲仍既襲於上公之封考妣宜
眎夫素王之爵於戲君子之道考而不繆建而
不悖干以惇典而叙倫宗廟之禮愛其所親敬
其所尊干以報功而崇德尚篤其慶以相斯文
齊國公叔梁紇加封爲啓聖王魯國太夫人顏
氏加封啓聖以顏無繇孔鯉曾點孟孫氏配俱
王太夫人

稱先賢某氏神位木主如十哲之制


元仁宗延祐三年七

月追封孟子父爲邾國公順帝元統三年以程
五月贈顏子父爲杞國文裕公今皆革去
昫朱松蔡元定從祀俱稱先儒某氏神位木主

如左丘明等位之制顏曾賢子思之父始皆從
祀兩廡子先父食於義爲舛自

皇上正之而後彝倫乃叙寔萬世不易之祀典也於
戲經其正矣哉

敬一亭



右敬一亭圖

敬一亭在廣業堂後嘉靖七年九月少師兼
太子太師吏部尚書華蓋殿大學士楊一清等
奏立南京工部建高三丈六尺闊四丈二尺五寸
深四丈基高三尺五寸中立


御製敬一碑兩旁翼以

御註視聽言動心五箴碑共六座


大學之圖

陳


卷三十一



北



門



右太學圖

洪武十四年欽定太學之制爲正堂一支堂六
明年六月落成正堂一十五間每間闊一丈九
尺深五丈四尺二寸高三丈三尺四寸扁曰彝
倫

太祖高皇帝制也堂有門二十獨與府部諸司異中
空

御座正位次間列祭酒司業公座以累經

車駕臨幸本監官不敢中廳視篆不敢中門出入

所由尚左

南京吏部右侍郎楊守阯初攝祭酒
詩彝倫堂上鼓鐘聲三舍先將教牒

呈涉筆金書小篆宰攝官承乏大司成天威
咫尺虛中坐地闕尋常傍左行淺薄未知模範

否若為陶治魯諸生左列鼓架右建鐘樓堂前樹石畧甚

鉅太常寺丞袁廷玉賦舞倫堂前石畧歌流州

畫遲帝遣良工琢山骨圓如蒲璧巨如輪三尺

瑶臺高捧雲離南坎北已定位制度安用羅星

辰六堂深沉更漏杳旭日扶桑照林表一絲影

射白玉盤萬井鐘聲報清曉先生盛服坐臯比

倉記花磚催直時寅賓出納著二典赤心只許

羲和知帝命晨昏教胄子寸陰自惜勤終始

莫言此畧匪涓埃東堂為齋宿所西堂為考課

大明教化從茲起

所祭酒廂房在東凡七間其連廊北向者為司

業南廂房凡九間初司業廂房在率性堂西宣

始以南廂之近東者為之西廂相距中入曲徑

有亭臨修竹嗣曰迎薰每有事相與會於此

西廂房爲監丞繩愆廳

南廂之近西者亦九間諸度案卷該吏於此候

立舊杏公文

博士恒居考課所亦呼爲博士廳六堂

在正堂之後乃支堂也一曰率性二曰修道三

曰誠心四曰正義五曰崇志六曰廣業助教學

正學錄分居之

舊制助教十五員學正十員學錄七員分領率性修道二堂各

四班誠心正義崇志廣業四堂各六班官三十員分三十二班而教焉其後官漸裁減班仍

舊數官初任者居廣業堂以漸升每堂各一十至率性堂一如諸生積分之法云

五間中五間設師座左右各五間設大凳卓爲

弟子肄業所每間各高二丈六尺三寸深三丈

三尺闊一丈八尺八寸東西廂房各三間庭前

各樹以杉檜

祭酒陳敬宗種松柏二記大成殿

甚鉅枝柯覆壓蒼春春繁秋葉不勝掃除其墳

積於瓦甃間者霖雨以浥之冰雪以凝之原皆

膠洎解裂春暖融釋心漏椽栴皆朽又不勝其

脩葺矣柳之爲害甚大也駙馬都尉沐公謂子

曰宜易之以栢先生爲我伐去之栢栽某當謀

送居無何栢栽至矣數計以百高可五六尺葉

皆秀嫩可愛於是與監丞諸公質循其舊柳之

所行列而植之森然如青衿童丁習樂舞於殿

庭之間秩然而有叙也儼然如端人雅士聽講

說於兩廡之下拱立而不亂也駙馬公見而喜

曰此亦退小人進君子之漸太學其多賢矣栢

栽於宣德辛亥迄今二十餘年根幹壯碩枝柯

交互高可三丈餘而干霄之勢蓋未可尋丈計

也兄得聖澤之滋蔭哉夫栢之爲木橐剛勁嚴

凝之正氣抱堅確不撓之貞心雖寒折膠而逾

秀暑燥金而彌青有若君子雖遇世難固守其

節而不變者焉今觀殿廡肅穆穆庭除潔清無

絮落葉之撓雜而有四時蒼翠之雅觀緝紳

佩之士入其門歷其階口觀於俯仰之間雖非
執玉捧帛而其心莫不肅然知敬如親觀聖容
於几席之上也夫殿宇爲神棲之所殿宇潔清
則神靈安寧歆格祀享然則斯栢之栽其有益
於事神之功亦大矣非徒以爲觀美也予自致
政別去太學二載餘矣追思駙馬公盛心不可
泯也因書此以志栽栢之權輿錄奉祭酒吳公
先生啟煩勒其詞于小石置諸東廡之北以爲
異日駙馬公之甘棠云太學門外東西二隙地
有松數章高者餘三十尺柯葉茂密鬱然蒼翠
烟霧之朝風月之夕群鳥翔集孤鶴長鳴儼有
林壑幽趣蓋忘其在於橋門之內也先是茲地
皆種楊木未秋而凋無堅貞之操非良材也宣
德壬子予悉伐去之而易之以松當栽松時人
有好事者相與竊議而非笑之以爲此非栽松
之所栽松者亦非久居之人蓋有意於橋之也
今非笑者皆乘化矣而此松森然挺立其勢不
至于霄憂雲不止也惜不使非笑者見之矣夫
柳非可珍之木以松易之松宜君子之所喜而
反非笑之其志尚可知也古之人若淵明之於

菊子猷之於竹濂溪之於蓮和靖之於梅茲四
者皆清品也四君子亦雅士也以雅士而嗜清
品得其宜矣况松者秉堅貞之操持歲寒之節
歷氷霜而成鉅器資世之用可以柱明堂而棟
大厦又非特花竹徒供翫好而已况柳木爲無
用之下材而非笑之者亦以數而聚也何足惟
哉予與松別去二年餘矣培養之深必非昔日
之比因寫此栽松之由以告同志俾知此松之
茂非偶然也

典簿廳一十五間在彝倫堂東近分右

三間以居典籍一如北監之制其左爲掌饌廳

連東西廚共一十三間

內有豆腐房
豬房今廢

東西饌堂

二所各一十五間小饌堂一所五間過廊一間

小行廊一十八間前爲儀門三間下有進士題

名碑四東有

勅建太學碑亭西有

勅修太學碑亭又前爲太學門三間左有小門下

有進士題名碑二左側有紀事碑一前有東西

井亭二東西書庫各七間各爲樓上高一丈三

尺下高一丈四尺中間闊一丈五尺左右四間

每間闊一丈三尺二寸餘俱三丈洪武中爲兩廡六堂廂房

歲久倒塌弘治四年前樹以松栢又前爲集賢

祭酒謝鐸改建書庫門嘉靖二十二年祭酒黃佐司門內舊有馬房

業李本行南京工部重修三間今廢門外街南有東西石井二口今湮國

子監牌坊一座三間中高三丈三尺六寸兩旁

高三丈六寸

景泰二年重建嘉靖二十三年祭酒黃佐司業

李本行南京工部重修

東西成賢街坊牌二座各三間中

高二丈四尺六寸兩旁高二丈二尺六寸

景泰四年

重建嘉靖十九年祭酒馬汝驥行南京工部重修

南成賢街牌坊一座

三間與珍珠橋相連中高三丈三尺六寸兩旁

高三丈六寸

景泰二年重建嘉靖二十三年祭酒黃佐司業

李本行南京工部重修

題名碑洪武初可考者惟學正蘇

伯衡太學同官記

記曰乙巳秋詔卽應天學

士助教正錄非有德望遠於經術者不得登用

維時博士則上親擢金華許君存仁爲之丙午春以章貢劉君宗好爲博士臨安李君宗表河南張君用周濟寧潘君文秀爲助教高昌完

君彥明爲學正廣信鄭君一中金陵杜君叔簡
爲學錄叔簡早以書法入侍春坊大爲皇太
子所眷其書流輩中亦未見其比焉臨江張君
以誠爲典膳其夏用周除淮安衛參謀其秋彥
明除建平知縣以誠除管讀場管勾其冬一中
除上海縣丞繼用周則廣平郭君可久繼彥明
則南昌李君克正繼以誠則章貢呂君仲善繼
一中則東陽張君孟兼而余以七月忝授學錄
丁未秋學陞正四品始設祭酒司業典簿員卽
拜存仁祭酒宗弼司業錢塘陳君彥博由元幹
林編修署典簿後儀陳君子方由元進士署博
士棟州高君仲暉由太子伴讀署佐教而余
亦忝進學正補余處則吳興張君伯淵也其後
存仁謫韶州宗弼拜浙江按察僉事彥博遷太
常博士宗表以事罷去叔簡遷太常贊禮仲暉
陞磨勘司令伯淵陞磨勘司丞仲善陞太常典
簿孟兼陞祠部主事余轉翰林院國史編修官
辭疾不上今在官者祭酒則梁先生以太子
賓客兼博士則汴梁李君叔允典簿則濟南周
君敦中助教則上蔡朱君原禮合文秀可久爲

七人而叙允原禮入東宮兼伴讀云自余爲國
子官屬于斯之二十一一人者皆得托官聯而與
之遊亦一時之幸哉然甫六年而升沉出處去
就離合不齊已若是况於他日乎此余之所以
慨然也因爲之記歸田後時覽觀其姓氏庶用
自慰焉來者夷考其平生以擬議其得失亦未
必不有取於斯也梁先生名貞字叔亨會稽人
劉君名丞直周君名循理潘君名時英郭君名
末高君名暉朱君名明復完君名完哲鄭君名
賈杜君名環其名如其字者許君名呂君名梁李
君及東陽臨海兩張君名宗義浚儀陳君名世昌
則錢塘陳君名濟則河南張君名溥則吳興張
君曄者臨安李君名也宗暉者南昌人嘉靖四年
李君名也余名伯衡字平仲眉山山人

二月吉日祭酒汪偉始刻于彝倫堂之左

南京吏部


右侍郎汪偉記學有祭酒助于東京司業助于
隋實周官師氏職也夫天子者億兆君師之
大主設官分職惟治教二事五國學擢任其一
不已重歟高皇帝既定天下有法制刑百

度具舉尤以文教爲大務渡江之初因應天府
庠以爲國子學病其隘陋弗稱洪武十四年夏
得吉地於鷄鳴山之陽乃鼎建廟學踰年遂落
成闕壯嚴密他署鮮麗爰改學爲監革廟像以
木主定官秩頒條教至于養士之具纖悉靡遺
自是大學之士歲增多至八九千人蠻夷酋長
咸遣子弟就學積歛盛哉故師儒之任益重必
慎擇以充列聖相承恪守一道百四五十
年治化之美人才之盛則既有明徵矣茲固
祖宗列聖至德成化主張斯文于上而尸師儒
之職者亦能黽勉夙夜以無負任使者哉載觀
前政多鴻學耆德斯人已沒聲光猶存考其爲
教大抵尚踐履重經術士知敦本實成適于用
其次亦能嚴槃護以檢梏其心故小大各有成
也今祭酒崔公司業郭公懼其久而忘其怠乃
考自建學以來任祭酒司業氏名及里宦始終
之畧于石以爲座右匪徒備遺忘亦以存勸戒
謂偉嘗承乏俾記作始偉無似竊以名側諸賢
爲媿况又敢用不腆之詞先之耶二公孳孳以
正學迪士習爲政可謂有光于前人者辭不獲

於是又刻於率性堂則兩廳六堂題名記南京
平書職方司主事慈谿劉世龍記我聖祖定鼎
金陵卽建太學以造多士是故首善之地南
莫先焉維時設官司教則有大司成氏繼有少
司成氏其屬繩愆懲惡則有監丞一人博士
有博士五人率性修道誠心正義崇志廣業六
堂則有助教十五人學正十人學錄七人今不
備者遵近岡也於是上下相維班列以序要在
導之德義岡俾或浮勵之學業岡俾或怠董
之矩度岡俾或逸因材而篤各俾有成以爲他
日用匪徒彌文而已百六十年來英才輩出人
文燁然非我列聖崇儒重道之明徵也哉
司成氏舊有題名碑立於彝倫堂之東偏丞以
下無聞焉殆缺典也予與同年程君子明相繼
改官於茲而俱久任以吾兩人之所睹記陞遷
事變後先相望卽今數年間追惟往昔諸公四
方來同一時相與追遊幾何忽別如雨對時撫
景之餘輒有室遠人邇之嘆則知後之視今猶
今之視昔不存其名曷究其實不亦重可憾哉


斯記之不容以已也子明用是告諸遠近之官
同官者爰各分俸就工克成其事庶俾將來諸
君子之宦於茲及吾輩子孫之遊於茲者得因
其成而有所考焉碑之名自子明同時者始以
前或見於南齊志中而亦無可徵矣故不及載

土地祠



右土地祠圖

土地祠在集賢門內西書庫左舊祠面東景泰四年重建乃改爲面南祠一間高一丈三尺五寸闊二丈五尺四寸深二丈七尺五寸




右光哲堂圖

光哲堂在敬一亭後洪武十五年建凡一十五間每間闊一丈四尺深一丈二尺爲琉球國官生受業所居

倉庫之圖


南



北

庫

北



北

右倉庫圖

倉庫俱在六堂之東洪武十五年建廩倉一所
一十二間以藏饌米庫房六間內有醫藥等房與典簿
廳相連先是有紅板倉一十八間在掌饌廳前
又板倉六所在六廂東側洪武十五年

太祖高皇帝臨太學祀先師還

孝慈高皇后問曰太學生幾何

上曰數千又問悉有家乎曰亦多有之后曰善理

天下者以賢才爲本今人材衆多深足爲喜但
生員廩食於太學而妻子無所仰給彼寧無所

南隴志卷第七
四二
累於心乎

上卽命月賜糧給其家以爲常其倉圯之制用板片累成塗以硃漆苦以蘆席歲久易壞景泰四年祭酒吳節重修成化初頽者十座祭酒周洪謨奏聞乃併入倉廩覆之以瓦與饌米相對而庫則分爲銀庫椒庫等目局各鑰匙于東廂以時委官收放云

南隴志卷第七